



Diembargo Sehingga

4.00ptg, Sabtu, 7 September 2019

BULAN BAHASA 2019 MEMAPARKAN CITA, CITRA, CINTA

7 September 2019 – Bulan Bahasa 2019 dilancarkan petang tadi oleh Presiden Halimah Yacob, di Muzium Tamadun Asia.

Berteraskan tema baharu Bulan Bahasa – ‘Cita. Cita. Cinta. Bahasa Kita’, program-program dan acara-acara anjuran rakan-rakan kerjasama masyarakat akan berlangsung dari 17 Ogos hingga 13 Oktober 2019.

Tema ini digambarkan menerusi identiti kreatif baharu Bulan Bahasa, yang merangkumi lima ilustrasi – singa, roket, kancil, gitar dan palari, iaitu sebuah kapal belayar yang biasa digunakan oleh orang Bugis pada abad ke-19. Ilustrasi-ilustrasi ini melambangkan cita-cita dan aspirasi masyarakat untuk terus menggunakan bahasa Melayu agar kekal relevan bagi generasi muda akan datang.

Hari Penuh Sambutan

Hari ini, para pengunjung Muzium Tamadun Asia dapat menikmati pelbagai aktiviti dan persembahan menarik anjuran rakan-rakan kerjasama, sekolah-sekolah dan Rakan-rakan Bahasa yang telah memeriahkan suasana dan menghidupkan bahasa Melayu.

Dalam ucapan beliau, Puan Rahayu Mahzam, Pengerusi Jawatankuasa Bulan Bahasa telah mengungkapkan penghargaan kepada rakan-rakan kerjasama, penyumbang dana dan penaja atas sokongan mereka yang berterusan kepada Bulan Bahasa. Puan Rahayu juga mengambil kesempatan untuk menggalakkan masyarakat agar terus menggunakan dan melestarikan bahasa Melayu.

“Bahasa Melayu merupakan wadah untuk memahami ilmu, sejarah dan budaya masyarakat Melayu yang kaya, justeru, penting untuk kita terus menyelami keindahan bahasa kita. Kami berharap agar masyarakat terus meneroka dan berinovasi dengan idea-idea baharu untuk menarik minat orang ramai, terutamanya generasi baharu kita, untuk mencintai bahasa Melayu,” kata Puan Rahayu Mahzam.



Sambutan Bulan Bahasa di Estet-estet Perumahan

Bulan Bahasa 2019 akan terus disambut di estet-estet perumahan Jurong, Sembawang, Nee Soon, Chua Chu Kang, Tampines, Marsiling dan Bishan-Toa Payoh (baharu). Tarikh-tarikh sambutan Bulan Bahasa di estet-estet perumahan tertera di bawah:

Tarikh dan Hari / 2019	Sambutan	Tempat
Ahad, 8 September	Bulan Bahasa @ Toa Payoh [Baharu]	Atrium Hab HDB Toa Payoh
Sabtu 14 September	Bulan Bahasa @ Sembawang	Kelab Masyarakat Woodlands Galaxy
Sabtu, 14 September	Bulan Bahasa @ Jurong	Kelab Masyarakat Yuhua
Sabtu, 14 September	Bulan Bahasa @ Marsiling	Perpustakaan Daerah Woodlands
Sabtu, 21 September	Bulan Bahasa @ Tampines	Kelab Masyarakat Tampines West
Sabtu, 28 September	Bulan Bahasa @ Chua Chu Kang	Kelab Masyarakat Keat Hong
Sabtu, 28 September	Bulan Bahasa @ Nee Soon	Yishun Town Square

Untuk senarai penuh program-program Bulan Bahasa, sila lungsur laman Majlis Bahasa Melayu Singapura di: <https://mbms.sg>. Untuk memuat turun kalendar acara Bulan Bahasa 2019, sila lungsur <https://tinyurl.com/BulanBahasa2019> atau ikuti laman media sosial MBMS di Facebook: facebook.com/majlisbahasa atau Instagram: @BulanBahasa. Untuk menonton video-video MBMS atau Bulan Bahasa, sila lungsur <https://www.youtube.com/user/mbmssg>.

~ ~ ~

Tentang Bulan Bahasa oleh Majlis Bahasa Melayu Singapura

Bulan Bahasa pertama kali dilancarkan pada tahun 1988 oleh Majlis Bahasa Melayu Singapura (MBMS) dan diadakan dua kali setahun. Sejak 2011, Bulan Bahasa menjadi sambutan tahunan yang terus menarik minat, penyertaan dan sokongan masyarakat.

Bulan Bahasa menggalakkan masyarakat menghargai dan menggunakan bahasa Melayu dalam kehidupan mereka dalam usaha melestarikan warisan masyarakat Melayu.

Untuk maklumat lanjut mengenai MBMS, dan Bulan Bahasa, sila lungsur mbms.sg dan facebook.com/majlisbahasa.



Maklumat yang Tidak Diembargo

Program-program Hari Pelancaran Bulan Bahasa 2019 pada Sabtu, 7 September di Muzium Tamadun Asia

Semua program percuma.

Jejak Interaktif bersama Rakan-rakan Muzium

Dalam program Jejak Interaktif bersama Rakan-rakan Muzium, pengunjung dapat melihat dan mengalami seni, tekstil, penerbitan dan artifak yang terdapat di Nusantara pada abad ke-19. Bagi mereka yang tidak berbahasa Melayu, program ini akan disediakan dalam bahasa Inggeris.

Masa: 11.00pg – 5.30ptg

Tempat: Tingkat 2, Galleri, Muzium Tamadun Asia

Permainan Bahasa bersama Rakan Bahasa

Sambil menikmati minuman dan aiskrim tajaan F&N, sertailah permainan bahasa yang akan dikendalikan oleh Rakan Bahasa.

Masa: 11.00pg – 5.30ptg

Tempat: Tingkat 1, Hardcourt, Muzium Tamadun Asia

Reruai Aktiviti

Uji pengetahuan anda mengenai bahasa, budaya dan warisan Melayu melalui permainan-permainan di reruai kegiatan yang dikendalikan oleh para pelajar dari Sekolah Menengah Orchid Park, Sekolah Sains dan Teknologi, Singapura, Sekolah Rendah Wellington, Sekolah Menengah Yusof Ishak kanak-kanak dari Ilham Childcare serta reruai kelolaan By Definition dan Element Pictures.

Masa: 11.00pg – 5.30ptg

Tempat: Tingkat 1, Lobi, Muzium Tamadun Asia



Duit! Duit! Oleh Bio Dew Management Institute (BDMI)

Cabar diri anda bermain permainan pendidikan tentang hal kewangan yang mendapat inspirasi daripada permainan 'Monopoly' dan 'The Game of Life'. Dalam permainan ini, para peserta akan berpeluang untuk belajar tentang kewangan dan ekonomi dalam bahasa Melayu.

Masa: 2.00ptg – 5.30ptg

Tempat: Basement, Demonstration Room, Muzium Tamadun Asia

Juara Si Cilik oleh Nusantara World Music

Berhiburlah dengan menyaksikan edisi keenam Juara Si Cilik oleh Nusantara World Music. Acara ini merupakan pertandingan nyanyian yang menampilkan murid-murid sekolah rendah membuat persembahan lagu-lagu rakyat dan lagu-lagu tradisional Melayu versi mereka sendiri.

Masa: 10.00pg – 12.30tgh

Tempat: Basement, Auditorium, Muzium Tamadun Asia

Nenek I (Watch)! dan Sis Cuba oleh Sriwana

Ikuti Sriwana dalam persembahan tarian interaktif, Sis Cuba dan Nenek I (Watch)!. Penonton dapat menguji pengetahuan mereka dalam bahasa Melayu melalui permainan wadah berbilang media. Sis Cuba menceritakan tentang Amy yang baru pulang setelah tinggal di luar negara. Untuk membiasakan diri dengan bahasa dan budaya Melayu, beliau pergi membeli-belah di pasar Geylang Serai. Dengan mengetengahkan watak seorang cucu yang mengajar neneknya cara-cara menggunakan jam pintar, Nenek I (Watch)! memaparkan hubung kait teknologi dan budaya Melayu.

Masa: 12.30ptg dan 4.30ptg

Tempat: Tingkat 1, Lobi, Muzium Tamadun Asia



Cita. Citra. Cinta. Bahasa Kita. oleh Perkumpulan Seni

Saksikan pementasan Cita. Citra. Cinta. Bahasa Kita. dan belajar tentang keindahan bahasa Melayu melalui tarian-tarian Melayu, taridra dan bacaan puisi.

Masa: 4.30ptg – 5.30ptg

Tempat: Basement, Auditorium, Muzium Tamadun Asia

Cinta Silat Cinta Bahasa oleh Perguruan Silat Seni Gayong Singapura

Untuk mengetahui tentang seni silat, pengunjung boleh sertai Cinta Silat Cinta Bahasa. Pengunjung akan berpeluang untuk mengambil bahagian dalam permainan teka silang kata yang berkaitan dengan seni silat.

Masa: 11.00pg – 5.30ptg

Tempat: Tingkat 1, Hardcourt, Muzium Tamadun Asia

Persembahan Dikir Barat oleh Ilham Childcare

Ikuti Ilham Childcare dalam persembahan dikir barat oleh pelajar-pelajar prasekolah. Mereka akan memikat hati penonton dengan keindahan bahasa Melayu yang digunakan dalam lagu-lagu yang dipersembahkan.

Masa: 1.30tgh dan 3.00ptg

Tempat: Tingkat 1, Lobi, Muzium Tamadun Asia

Persembahan Tarian Bahasa Menjunjung Budaya oleh Singapore Special Voices

Nyanyilah bersama Singapore Special Voices dalam persembahan tarian khas berdasarkan 'Bahasa Menjunjung Budaya', lagu tema Bulan Bahasa.

Masa: 4.00ptg

Tempat: Tingkat 1, Lobi, Muzium Tamadun Asia



Bengkel Pantun oleh Kelana Pantun Temasek

Sertai bengkel pantun oleh Kelana Pantun Temasek yang akan memperkenalkan struktur asas pantun kepada para peserta.

Program ini sesuai untuk sesiapa yang tidak berbahasa Melayu kerana bengkel akan dikendalikan dalam bahasa Inggeris.

Masa: 11.30pg – 12.30tgh

Tempat: Basement, Demonstration Room, Muzium Tamadun Asia

Sesi Bercerita dengan June Ho dan Karen Lim

Ikuti June Ho dan Karen Li dalam sesi bercerita mereka yang mengisahkan Cerita Rakyat Melayu seperti 'Singapura Dilanggar Todak' dan 'Si Kancil dan Si Buaya'.

Program ini sesuai untuk pengunjung yang tidak berbahasa Melayu tetapi berminat dengan kisah-kisah masyarakat Melayu.

Masa: 12.00tgh, 1.00tgh, 3.30ptg

Tempat: Tingkat 2, Shaw Foyer, Muzium Tamadun Asia